



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1746. usque ad
Annum 1749

Luxemburgi, 1753

X. Occurritur Abusibus in expeditione resignationum Beneficiorum
inductis, ad eludendam Constitutionem Gregorii Papæ XIII. incipien.
Humano. 15. Junii.

[urn:nbn:de:hbz:466:1-74761](https://nbn-resolving.org/urn:nbn:de:hbz:466:1-74761)

spectabit, plenissime suffragari, & ab eis respectivè inviolabiliter observari; sicque in pramissis per quoscumque Judices Ordinarios, & Delegatos etiam Causarum Palatii Apostolici Auditores judicari, & definiri debere, ac irritum & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Romæ apud Sanctam Mariam Majorem sub Anno Piscatoris die VII. Junii MDCCXLVI. Pontificatus Nostri anno VI.

D. Card. Passioneus.

X.

Occurritur abusus in expeditione resignationum Beneficiorum inductis, ad eludendam Constitutionem Gregorii Papæ XIII. incipien. *Humano*.

BENEDICTUS EPISCOPUS,

Servus Servorum Dei. Ad perpetuam rei memoriam.

Exordium.

Pontifex Prædecessorum Providentiam circa dimissiones Beneficiorum prosequitur.

Indicat præscripta a S. Pio V. per Schedulam sui Motus pro. pii: Cogit Nos.

Item per Constitutionem: Quanta Ecclesiæ Dei.

Refert disposita a Gregorio XIII. in Constitutione: Humano.

FECLESIASTICA ministeria & officia nec ab obtinentibus temerè deferri, aut minus recta ratione vel causa dimitti, nec a minus idoneis assumi & exerceri, neque demum ullo pacto in cupiditatis & avaritiæ fomentum transferri volentes Prædecessores Nostri Romani Pontifices, plura peculiariter observanda statuerunt in admittendis Beneficiorum sive Officiorum Ecclesiasticorum dimissionibus, ac cessionibus, & eorundem sic per resignationem vacantium provisionibus & concessionibus, quæ omnia non modo Nostram approbationem & confirmationem promereri, sed etiam quò certius propositum reipsa sortiantur effectum, uberioribus providentiæ Nostræ consiliis, prout rerum necessitas suavit, stabilienda, & amplianda Nobis esse judicavimus.

Postquam enim beatæ memoriæ S. Pius Papa V. Prædecessor Noster per suam Schedulam Motus proprii, quæ incipit: *Cogit Nos*: Anno Domini MDLXVII. die xiiij. Martii, Pontificatus sui Anno II. editam, methodum & formam designaverat servandam in expeditione Literarum Apostolicarum, super gratiis Resignationum quorumcumque Beneficiorum sive Officiorum Ecclesiasticorum; certasque opportunas clausulas, expressiones, & limitationes, in hujusmodi Literis respectivè apponendas provida ordinatione præscripserat; sequenti anno MDLXVIII. per suam Constitutionem, quæ incipit: *Quanta Ecclesiæ Dei*: datam apud S. Petrum Kalendis Aprilis, definivit & declaravit, quam Beneficiorum, & Officiorum hujusmodi resignationes seu dimissiones ab Episcopis, & aliis ad id facultatem habentibus, quibusque ex causis recipi & admitti possent, aliasque in ipsis dimissionibus, seu resignationibus, nec non eorundem Beneficiorum resignatorum collationibus respectivè cavenda decrevit; censuras in contravenientes pronuntiando, aliasque pœnas respectivè statuendo, prout in Scheda, & Constitutione prædictis plenius continetur.

Cum verò adhuc præfati Sancti Pii Prædecessoris Leges & Ordinationes, ad compescendas fraudes & simulationes, quæ in hujusmodi Resignationibus hominum malitia committebantur, non satis prodesse, experiendo compertum esset, placuit felicis recordationis Gregorio Papæ XIII. Prædecessori pariter Nostro in sua Constitutione, quæ incipit: *Humano vix judicio*: data apud S. Petrum Nonis Januarii, Anno Incarnationis Dominicæ MDLXXXIII. Pontificatus sui XII.,

decernere & constituere, ut omnes & quæcumque resignationes, cessiones, sive retrocessiones, quæ deinceps de quibuscumque Ecclesiis, Monasteriis, Prioratibus tam Virorum, quam Mulierum, Dignitatibus, Officiis, & Beneficiis Ecclesiasticis secularibus, & quorumvis Ordinum, etiam Militarum, Regularibus, etiam electivis, & manualibus, ac etiam de jurepatronatus Laicorum illustrium, & aliis quomodocumque existentibus, sive pacificis, sive in petitorio, aut in possessorio litigiosis, etiam de quibus in Consistorio disponi consuevit, seu debet, in manibus Romani Pontificis pro tempore existentis, ex quacumque causâ, & quolibet modo fierent, & ab illo, seu illius mandato admitterentur, & super eis provisiones, & quæcumque aliæ dispositiones, sive temporales, sive perpetuæ, aut ad id mandata Apostolica, sub quacumque forma, & quibuscumque, etiam S. R. E. Cardinalibus, ac piis Locis quantumvis privilegiatis, facta, publicari deberent, unâ cum Literis Apostolicis desuper confectis, intra sex menses, si Beneficia citra Montes essent, ultra vero Montes, intra novem menses, a data concessionis Gratia numerandos. Cumque de forma & loco hujusmodi publicationum explendarum, plura distinctè præscripserit; illud etiam providè constituit, ut si, in quos de Beneficiis hujusmodi resignatis, seu celsis, sub quacumque forma disponi vel mandari contigisset, intra dictum respectivè tempus, eorundem Beneficiorum possessionem, vigore Literarum Apostolicarum desuper confectarum, apprehendere deberent, vel, si propter litem, aut aliud legitimum impedimentum, hujusmodi possessionem reipsa apprehendere non potuissent, saltem Literas Apostolicas cum earum publicatione, si tunc facta esset, Judici, seu Executori illarum, vel aliis, ad quos pertineret, intra illud tempus præsentare, & apud illum, vel illos, pro ipsarum Literarum executione instare, & possessionem hujusmodi instanter petere tenerentur. Quod si quicquam præmissorum omnium omissem fuisset, dictis terminis, ut cuique præscripti sunt, elapsis, voluit & decrevit, omnes dispositiones & gratias resignatorum & cessorum Beneficiorum hujusmodi, cum omnibus inde sequentis, irritas & inanes esse, nullamque aliam gratiam super iisdem, his quibus concessa fuissent, suffragari, sed eos ad hujusmodi Beneficia quomodocumque obtinenda inhabiles & incapaces fore & esse: ipsaque Beneficia ceteri statim a prima resignatione seu cessione, eò ipso vacavisse, & vacare; & tanquam sic a principio vacantia, a Sede Apostolica dumtaxat impetrari, & respectivè concedi posse; & alias, prout in prædicta Constitutione latius, & uberius continetur.

Nos ipsi demum ad Romanæ & universalis Ecclesiæ gubernacula, licet immerentes, evecti, hanc ipsam Resignationum materiam retractare coacti sumus, propter delatam ad aures Nostras nonnullorum malitiam, qui malis artibus, & per illicita pacta, fraudulento verborum & formalitatum circuitu recta hujusmodi Beneficiorum resignationes cum reservatione Pensionum, per anticipatas deinde pecuniarum solutiones extinguendarum, in detestabilem negotiationem convertebant; quapropter hujusmodi pacta & conventiones pro abolitione, seu cassatione Pensionum, per anticipatas vel anticipandas terminorum earundem Pensionum solutiones, contemporaneè ad ipsas Beneficiorum resignationes inita, atque conventa, per aliam Constitutionem Nostram, quæ incipit: *In sublimi*: datam IV. Kalendas Septembris Anni MDCCXLI. Pontificatus Nostri Anno secundo, damnavimus, improbavimus, & omnino irritavimus; pluraque desuper opportunè statuimus atque

Memorat sui Constitutionem prohibentem fieri resignationes cum pensione, & pacto eam extinguendi.

fancimus,

Dolet artes adinventas fuisse ad eludendam dicendam Gregorianam Constitutionem.

Ea sunt 1. Literarum Expeditionum nimiam protracta praesentationis prorogationem & restitutionem ad publicandum.

2. Iteratio Praesentationis super una resignatione identidem capta.

3. Possessio, & publicatio usque ad obitum resignantis dilata.

fancivimus, per quae illicitarum passionum hujusmodi exterminationi satis consultum esse & fore in Domino confidimus.

Sed neque tot salubres & providas ordinationes & Constitutiones valuisse ad eliminandas omnis generis fraudes & corruptelas, quas hominum malitia & radix malorum omnium cupiditas in hac resignationum materia invenit, magno cum animi Nostri maerore accepimus. Siquidem ad eludendam praefati Gregorii Praedecessoris consultissimam Legem & Constitutionem, plures adinventas sunt artes, quarum praesidio resignatorum Beneficiorum possessio, eorumque fructuum & reddituum perceptio, vel nunquam, durante resignantium vita, vel nonnisi diuturno tempore elapso, contra Pontificis opinionem & voluntatem, & contra ipsam admittam resignationis naturam, in resignatarium cum effectu transfret.

Nonnulli enim negotiorum Datariae Nostrae Expeditores, postquam super brevi & compendiarum supplicatione, in qua resignantis & resignatarii nomina, cognominaque, ac Titulus, & qualitas Beneficii resignandi adscripta sunt, obtinuerunt Praesentatam, quam vocant, a Substituto Subdatarii semel apponi; mox ad libellum supplicem super ipsa resignationis gratia exhibitum emanare curarunt rescriptum Datararii, seu Pro-Datarii, Pontificiae voluntatis & annuentiae testem; vel etiam supplicationem in forma a Nobis, sive a Romano pro tempore Pontifice signari; nil amplius solliciti de expeditione Literarum Apostolicarum (quas intendunt sub Data illius diei, qui in praedicta praesentata, seu deinceps in supplicatione adscriptus fuit, quodcumque sibi libuerit, expedire), compluribus prorogationibus ad publicandum sive in integrum restitutionibus successively se muniant; quarum quidem terminos quum ad diem illum initio sibi propositum accommodaverint, minime dubitant de validitate gratiae resignationis, quantumvis longè post assensum Pontificis, Apostolicas super ea Literas expedire distulerint.

Alii verò, quum supra dictam tantummodo Praesentatam in officio Subdatarii reportaverint, minime urgent pro obtinendo rescripto Datararii, aut signatura supplicationis; neque pro expeditione Literarum Apostolicarum, aut pro prorogationibus, vel in integrum restitutionibus ullo pacto instant, sed retento apud se mandato Procurator ad resignandum, novas identidem Praesentatas, tanquam ex integro iterum iterumque referre curant, usque dum, resignantis vita ad interitum vergente, vel alias quodcumque ipsi maluerint, resignationis negotium ulterius promovendum sibi esse ducant; tuncque dumtaxat deprompta una ex obtentis Praesentatis, quam sibi magis expedire judicaverint, sub illius data, & vigore prioris illius mandati, requisitum consensum praestant, atque Apostolicas Literas expediunt.

Alii demum, praefato rescripto obtento, signataque supplicatione, non desunt ante, vel post expeditionem Literarum Apostolicarum multiplices prorogationes ad eas publicandas, aut etiam elapso ipsarum prorogationum termino, restitutiones in integrum adversus hujusmodi publicationis omissionem, petere & obtinere, ut interim, publicatione praedictae minime sequuta, nec possessione Beneficii per resignatarium adepti, ipsius detentio, fructuumque perceptio penes resignantem, quamvis jam pridem se Beneficio abdicaverit, usque ad ejus obitum remaneat; nec nisi eo defuncto, vel saltem morti proximo, hujusmodi possessio in resignatarium seu cessionarium (cui, favore obtentorum prorogationum, vel restitutionum in integrum nihil de suo jure deperit) cum effectu tandem transferatur.

Nos igitur hujusmodi fraudes, & collusiones, in quibus cum animarum pernicie, & recti ordinis subversione, jurium quoque Apostolicae Sedis detrimentum conjunctum esse animadvertimus, & quarum aliquas judicialibus controversiis non ita pridem locum dedisse, eaque ratione detectas fuisse novimus, de medio tollere, atque in futurum praecavere volentes, Motu proprio, ac certa scientia, & matura deliberatione Nostri, memoratam Gregorii Praedecessoris Constitutionem de publicandis intra certum tempus praedictarum resignationum gratis, & de capiendis resignatorum Beneficiorum possessione, in omnibus & per omnia approbamus, confirmamus, & innovamus; Utque relatis aribus eadem Constitutio in posterum dolose, ut praefertur, eludi, & effectu fraudari amplius non valeat, hac Nostra pariter perpetuo valitura Constitutione in primis Datariae Nostrae Notario, seu Notariis, quos de excipiendis sive extendendis consensibus pro quorumcumque Beneficiorum, sive Officiorum Ecclesiasticorum, cujuscumque qualitatis & naturae existant, resignationibus, etiam ex causa permutationis, ac cessionibus, & retrocessionibus quibuscumque, tam simplicibus, quam cum pensionis, aut fructuum, vel alia qualibet reservatione, quae in manibus Nostri, aut Successorum Nostrorum Romanorum Pontificum pro tempore existentium a quibuscumque, etiam Sanctae Romanae Ecclesiae Cardinalibus, sub quacumque forma, & qualibet ex causa, & favore cujuscumque personae, etiam Sanctae Romanae Ecclesiae Cardinalium praedictorum, aut etiam Locorum piorum quantumvis privilegiatorum, ad quemcumque effectum fient, pro parte cujuscumque Personae etiam specifica mentione dignae, ut supra, in posterum rogari continget, districte vetamus atque interdiximus, ne hujusmodi consensibus admittere, recipere, & extendere, ac super ipsis instrumenta conficere, seque de iis rogare audeant seu praesumant, quoties mandata Procurator, quae ad hujusmodi consensibus praestandos exhibebuntur, adscriptam habeant Datam seu diem anteriorem octo mensibus, quoad Personas existentes citra Montes, vel duodecim, quoad Personas ultra Montes constitutas, quos quidem menses ab ipso die, quo hujusmodi mandata ad consentiendum eisdem Notariis actu exhiberi continget, numerandos & computandos esse decernimus; non obstantibus quacumque anteriori Praesentata, seu Rescripto obtento, aut etiam supplicatione sub quacumque data jam pridem manu Nostra aut Successorum Nostrorum signata.

Insuper volumus & mandamus, post rescriptum a Nostro, & Romani pro tempore Pontificis Datario factum super admissione cujuscumque resignationis, sive cessionis, aut retrocessionis hujusmodi, a quocumque, & favore cujuscumque Personae, vel Locii pii, ut supra, intra duos ad summum menses, a data rescripti hujusmodi decurrendos, remota omni mora & praetextu, signandam esse supplicationem, & successive expediendas esse Literas Apostolicas; itaut intra sex menses a Data concessio-nis Gratiae numerandos, quoad Beneficia citra Montes posita, & intra novem, quoad ea, quae ultra Montes existunt, eorumdem resignatorum Beneficiorum possessio capi, ipsaque resignationum Gratiae cum Litteris Apostolicis desuper confectis publicari valeant, & cum effectu possessio capiatur, & Litterae respective publicentur, ad normam praedictae Gregorianae Constitutionis, & juxta formam ibi praescriptam.

Ubi verò iustis & rationabilibus de causis aliquam prorogationem ad publicandum consulari necesse sit; nolumus hujusmodi prorogationes, ne pro prima quidem vice, amplius concedi,

Confirmat d. Constitutionem Gregorianam.

Inhibet Notario Datariae ne recipiat consensibus super resignationibus quoties Mandata Procurator habeant Datam anteriorem 8. Mensibus quoad Citramontanos, vel 12. quoad resignantes ultra montes degentes.

Vult signari supplicationem infra duos menses decurrendos a Data Rescripti.

Item ne primam quidem prorogationem amplius concedi nisi

Post primam, vel secundam, ulteriores prorogationes concedi vetat.

Relinquit facultatem Datario concedendi alias prorogationes iustificato impedimento, usque ad illius remotionem.

Statuit penas per inobstantiam presentium incurrendas.

Clausula facultates.

Derogationes.

nisi docto prius in Officio Subdatarii, non autem alterius cuiuscumque Datarie predicta Officialis, de Apostolicis Litteris expeditis. Post primam autem aut secundam ad summum prorogationem huiusmodi, alias ultiores prorogationes ad publicandum, etiam quoad gratias resignationum ad hunc diem de praterito admittas, seu concessas, & nondum executioni demandatas, aut publicatas, nemini amplius in posterum conceci volumus, nisi (prater expeditionem Litterarum Apostolicarum, ut supra) coram Datario pro tempore iustificatum fuerit legitimum impedimentum, propter quod eadem Apostolica Littera executioni mandari, aut publicari non possint. Hoc enim concludenter probato, & non aliis, eidem Datario relictam volumus facultatem concedendi tot ultiores prorogationes ad publicandum, quot necessariae erunt usque ad huiusmodi legitimi impedimenti remotionem.

Quod si constiterit vel, post elapsam tempus, ut supra, praescriptum, praefatos consensus super Beneficiorum resignationibus praestitos, sive admissos, & extensos, vel intra aliud praefinitum tempus, aut supplicationes minimè signatas, aut Litteras confectas, & expeditas in posterum non fuisse, vel etiam, elapso tempore in Constitutione Gregoriana praefixo, aut alio ulteriori termino per concessas ritè prorogationes obtento, non fuisse captam possessionem, vel factam Litterarum publicationem, ut supra; aut demum, ad novas obtinendas prorogationes, falsum, & insubstans impedimentum dolose allegatum fuisse; in quolibet ex his casibus, volumus & decernimus, ipsas resignationum gratias, cum omnibus inde sequutis, nullas, irritas, cassas, & inanes esse, & censeri perinde ac si nunquam admittae, & concessae fuissent; nec ullam aliam gratiam super huiusmodi Beneficiis, aut etiam restitutionem in integrum his, quibus concessa fuerant, concedi debere, aut concessam ullatenus suffragari; sed eosdem inhabiles, & incapaces esse ad huiusmodi Beneficia sic resignata & cessa quocumque obtinenda; ipsaque Beneficia tanquam ab initio vacantia apud Sedem, ab alio quolibet impetrari, & respectivè ad libitum eiusdem Apostolicae Sedis alteri cuilibet conferri posse.

Praesentes quoque Litteras, & in eis contenta quaecumque nullo unquam tempore de subreptionis, vel obreptionis, aut nullitatis vitio, seu intentionis Nostrae, vel quovis alio defectu notari, impugnari, infringi, invalidari, aut in jus, vel controversiam revocari posse, sed illa semper, & perpetuo valida, & efficacia fore, suosque plenarios, & integros effectus sortiri, & obtinere, atque ita per quoscumque Iudices Ordinarios vel Delegatos, etiam causarum Palatii Apostolici Auditores, ac Sanctae Romanae Ecclesiae Cardinales, etiam de Latere Legatos, Vice-Legatos, dictaque Sedis Nuncios, sublata eis, & eorum cuilibet quavis aliter iudicandi & interpretandi facultate & auctoritate, iudicari & definiti debere, & si secus super his a quoquam quavis auctoritate scienter, vel igno- rante contigerit attentari, irritum & inane decernimus.

Non obstantibus quibusvis resignantium aut cedentium voluntatibus, conditionibus, protestationibus, & clausulis in ipsismet resignationibus, seu cessionibus, aut Procuratorum Constitutionibus & mandatis, ac aliis etiam ad praeservationem suorum iurium, & significationem, quod non aliter, nec alio modo resignant, seu cedunt, appositis, omnibusque & singulis aliis, quae idem Gregorius Praedecessor in relata Constitutione voluit non obviare; Datariae quoque usibus, stilibus, tolerantibus, permissionibus, & consuetudinibus etiam diuturnis, & invete-

ratis, in contrarium praemissorum quomodolibet facientibus vel extantibus; Quibus omnibus & singulis, illorum omnium & singulorum qualitates praesentibus pro sufficienter expressis habentes, quatenus eidem praesentibus adversantur, specialiter & expresse, motu, scientia, & potestatis plenitudine paribus, derogamus, ceterisque contrariis quibuscumque.

Ceterum Dilecto Filio Magistro Joanni Jacobo Millo Datario Nostrò, ejusque in Officio huiusmodi Successoribus in perpetuum, ceterisque eiusdem Datariae Nostrae Officialibus, ad quos spectat, & pro tempore spectabit in futurum, ipsarum tenore praesentium injungimus, & mandamus, ut hanc praecipiti Nostrae formam & methodum a Nobis praescriptam praeculis habentes, eam pro virili parte singuli adamussim observent, & ab aliis exactissime observari faciant; penales quoque sanctiones Nostras adversus temerè contravenientes executioni cum effectu demandent.

Nulli ergo omnino hominum liceat hanc paginam Nostrae confirmationis, approbationis, innovationis, inhibitionis, irritationis, annulationis, voluntatis, praecipiti, decreti, mandati, & derogationis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, & Beatorum Petri & Pauli Apostolorum eius se noverit incursum.

Datum Romae apud Sanctam Mariam Majoram Anno Incarnationis Dominicae millesimo septingentesimo quadragesimo sexto, decimo septimo Kalendas Julii, Pontificatus Nostrae Anno Sexto.

D. Card. Passioneus.

J. Datarius.

VISA DE CURIA.

J. C. Boschi.

L. Eugenius.

Loco ✕ Plumbi.

Registrata in Secretaria Brevium.

Publicat. die 25. Junii 1746.

Injungit Datario & aliis ad quos spectat, ut praesentium observantiam diligentè curent.

Sanctio.

Data Pontif. anno 6. die 15. Junii 1746.

Canonizatio Beati Fidelis a Sigmaringa Sacerdotis Professi Ordinis Fratrum Minorum Sancti Francisci Cappuccinorum nuncupatorum Praefecti Missionis Apostolicae in Rhætia, & Sacrae Congregationis de Propaganda Fide Proto-Martyris.

XI.

BENEDICTUS EPISCOPUS,

Servus Servorum Dei. Ad perpetuam rei memoriam.

VINEA electa, quam plantavit dextera Domini, cujus unica vitis Christus, tot autem palmites, quotquot in Christo radicati Fideles interiori gaudent ipsius vivifica nutritionis illapsum, providam circa se Coelestis Agricola curam, & sollicitudinem in eo potissimum experitur, quod omnes palmites non ferentes fructum, iusto iudicii rigore succidi, & tolli; fructiferos verò, atque teraces, ut fructum plus afferant, salubri ac pia severitate purgari, nunc quidem occultè presentit, nunc autem apertius, atque evidentiùs agnoscit. Hanc sane aequabilem Divinae simul iustitiae bonitatisque rationem manifestè agnoscimus in praeclearo Beati Martyris Fidelis certamine; in quo & detestantes miramur eorum duritiam cordis, obsecratamque savitiam, qui a felici, qua portabantur, radice, sua culpa semel excissi, oblatam sibi a Domino pacem, & gratiam pervaciter repulerunt, Angelum verò pacis, evangeli-

Exordium.

zantem